



TOSHKENT DAVLAT YURIDIK UNIVERSITETI REKTORINING BUYRUG‘I

10.05.2023

283-tm-son

Talabaga hayfsan e‘lon qilish to‘g‘risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma‘naviy-axloqiy tarbiyalash, ularning huquqiy madaniyati va ongini oshirish bo‘yicha samarali tizimni yaratish, ularda yuksak ma‘naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda. Jumladan, 2023-yilning 27-aprel kuni Universitet Odob-axloq kodeksi normalari va Ichki tartib qoidalariga amal qilish holati o‘rganilganda, Ommaviy huquq fakulteti 1-kurs Davlat-huquqiy faoliyat yo‘nalishi B variant talabasi Muxammadiyev Islombek Oybek o‘g‘li, A variant talabasi Abdusalilov Muhammad Amin Oybek o‘g‘li, Davlat-huquqiy faoliyat yo‘nalishi 3-kurs talabalari Axatov Sodiqjon Farxod o‘g‘li, Baxtiyorov Xasanboy Sa‘di o‘g‘li va Halimov Sharifbek Yaxshibek o‘g‘llari dars mashg‘ulotlariga soqol o‘stirgan holatda kelganliklari aniqlandi.

Talabalar mazkur harakatlari bilan universitet Odob-axloq kodeksi 16-moddasining birinchi qismi sakkizinchi xatboshisi (universitet binolari va hovlisida, shuningdek, Universitet binolariga tutashgan hududda spirtli ichimliklar ichish va tamaki yoxud boshqa turdagi mahsulotlarni chekish hamda mast holda bo‘lish, tashqi ko‘rinishga va ushbu Kodeksda belgilangan qoidalarga zid ravishda sochsoqoli o‘sgan, to‘zg‘igan va kiyinish talablariga rioya qilmagan holda kelish) talablarini buzgan.

Yuqoridagilarni inobatga olib, Oliy ta‘lim to‘g‘risidagi nizom (ro‘yxat raqami 1222, 2003-yil 22-fevral)ning 51-bandi, universitet Odob-axloq kodeksi 16-moddasi birinchi qism sakkizinchi xatboshisi va Toshkent davlat yuridik universiteti Ichki tartib qoidalari (ichki mehnat tartibi qoidalari)ning 83-bandiga asosan

BUYURAMAN:

1. Universitet Ommaviy huquq fakulteti Davlat-huquqiy faoliyat yo‘nalishi 1-kurs talabalari Muxammadiyev Islombek Oybek o‘g‘li, Abdusalilov Muhammad Amin Oybek o‘g‘li, Davlat-huquqiy faoliyat yo‘nalishi 3-kurs talabalari Axatov

Sodiqjon Farxod o'g'li, Baxtiyorov Xasanboy Sa'di o'g'li va Halimov Sharifbek Yaxshibek o'g'liga hayfsan intizomiy jazo chorasi qo'llanilsin.

2. Ommaviy huquq fakulteti dekani (Sh.Saydullayev):

ushbu buyruq bilan fakultet talabalarini tanishtirsin;

mazkur holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'ma jildlariga buyruq nusxasi tikilishini ta'minlasin.

3. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonovga yuklansin.

**Yoshlar masalalari va
ma'naviy-ma'rifiy ishlar
bo'yicha birinchi prorektor**



A.XASHIMHONOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV

**Kelishildi:**

Direktor

SH.PO'LOTOV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Katta yuriskonsult

A.TURSUNOV

